

傲軒吟稿

世宗憲皇帝

傲軒吟稿

四庫全書珍本初集

別集

集

類部

詳校官編修_臣范來宗

中書_臣劉源溥覆勘

欽定四庫全書

集部五

傲軒吟稿

別集類四元

提要

臣等謹案傲軒吟稿一卷元胡天游撰天游名乘龍以字行號松竹主人又號傲軒岳州平江人當元季之亂隱居不仕邑人艾科為作傳稱使天假其年遇明太祖必為劉基宋濂則歿於順帝末年也其集兵燹之餘僅存

十一傳稱其七歲能詩已具作者風力名藉
藉一世視伯生子昂不輸一籌今觀所作大
都悲壯激烈而頗病羸豪非惟未足抗虞集
亦未足以敵趙孟頫傳所稱者殊過然長歌
慷慨之中能發乎情止乎禮義身處末季惓
惓然想見太平猶有詩人忠厚之遺其在元
季要亦不失為作者也集中陌上花詩小序
誤以錢鏐為梁元帝頗為乖舛蓋興酣落筆

記憶偶疎庾信桂華之語誤讀漢書王維垂
楊之句訛解莊子取其大端則小疵可畧論
古人者正不在尋章摘句間矣乾隆四十六
年十一月恭校上

總纂官臣紀昀臣陸錫熊臣孫士毅

總校官臣陸費墀

總校官編修臣王燕緒

校對官主事臣陳文樞

謄錄監生臣王學源

欽定四庫全書

傲軒吟稿

元 胡天游 撰

七言絕句

七歲遊法興寺

山色搖空入袖涼
松陰十丈印迴廊
老僧讀罷楞嚴呪

一殿神風扇子香

春詞和韻

綠窗紅燭製春衣宮樣花紗要入時玉手怕裁雙鳳破
并刀欲下更遲遲

日射珠簾試曉晴隙光斜上寶釵明碧紗窗下無消息
閒數吳蠶幾箇生

自尋蜀紙寫吳歌小字斜行未省多嬌懶却嫌春戰冷
手拈牙筆倩人呵

暖風深巷賣花天爭買繁華裊鬢邊揀得一枝紅躑躅
隔簾拋與沈郎錢

雙鷁不惜泥沙間
逐吳姬鬪草芽
贏得阿嬌金半臂
背人含笑入桃花

貪逐春風趁伴遊
不知明月上梢頭
兒夫若問歸遲意
幾度穿花避紫驕

昨日江頭看綠楊
歸來學得兩眉長
低聲更向蕭郎問
又恐眉長不稱粧

橫橋阻水

浮江積雨水連天
楊柳依依一釣船
白髮篙師多意氣

金定四庫全書
向人先索渡江錢

冬暖

冬令偷春多得暖
灞橋無思可吟詩
江梅一樹都開遍
不問南枝與北枝

看畫馬

九重天上看飛龍
大地驂騑一掃空
白髮塞翁多意氣
眼明空見畫圖中

贈星士龍困

涵空一碧湛虛明中有蜿蜒睡未醒
好待夜深風浪息看渠吞吐一天星

贈醫士劉碧源

老去劉郎鬢未華枕中鴻寶鼎中砂
仙源十里蒸霞色半是桃花半杏花

寄友

憶子自昔乘羊車數月不見今何如
潭邊日日看流水恐有沂流雙鯉魚

金定四庫全書
君家竹好別來久有客解道今平安最憶窗西萬竿綠
幾番清影上儒冠
河南橋頭舊酒壚酒邊曾共歌烏烏高樓百尺應頻上
還有詩人共醉無

謝家莊上分攜日一曲驪歌醉裡聽惆悵芳卿夢中意
人間無路寄叮嚀

傳聞借得街頭屋堆麴如山不缺車何日相逢一尊酒
溪橋踏月夜還家

曉日芙蓉

也傍清池也傍籬醉紅嬌嫩曉尤奇晴光却是多私意
偏照池邊帶露枝

壬辰歲草昧蠹起比屋皆煨燼區室幸存自扁
曰傲軒因題八首

柴門竟日無車馬芳艸沿堦一徑荒珍重祝融隨世態
煌煌不到汜陰鄉

百屋堆錢等夢回春風多誤燕歸來如何四壁都無物

獨向人間傲劫灰

松竹陰陰綠四圍
可憐天亦愛吾廬
牀頭兔冊依然在
不獨秦人種樹書

喪亂離羣一老夫
悲歌誰與和烏烏
柴門盡日不難閉
俗客如今亦已無

風塵瀕洞靈光在
煨燼蕭條魯殿存
事有至難今兩得
傲軒猶我我猶軒

獨酌何須問主賓
興來魚鳥亦相親
蒼松翠竹真佳客

明月清風是故人

避世誰能好采芝
山深谷絕路逶迤
南塘只在人間世
滿眼干戈似不知

武陵桃花落紅雨
邵平瓜圃生秋風
不及南塘松與竹
青青長對主人翁

男從軍

十五束髮去從軍
背劍腰刀別弟兄
昆男兒不洒臨岐淚
感策數聲吹出門